



信和系擺明車馬 禮拜日笑住贏

今期三T唔似得六寶獎有多寶，所以注碼要控制住唔可以太多！頭關四班1200米，「笑喜喜」前次潘頓昇人阻，上場田泰安沿途蝕位發揮麻麻，呢個梗頸四表現唔差，今次潘頓復出即刻攞番嚟跑，禮拜四朝仲親自彈埋草閘，呢件「信和系」大綠衣，今次真係擺明車馬，而「小鳥天堂」前速夠快，近兩次試大閘霍宏聲贏晒，最緊要13檔搶到埋欄，呢場一於用「笑喜喜」同「小鳥天堂」雙膽。

第五場二級賽1600米，「錶之銀河」終於唔使對住宿敵「遨遊氣泡」，潘頓未跑過呢隻馬而肯接手，證明佢睇得起呢隻伍底馬，「禪勝輝煌」特別夾澳洲騎師，潘頓騎一次即贏，而布文騎兩次一冠一季，加上田草1600米勝出率超過五成，就用呢兩隻雙膽。

超力量三班冇怕

第六場第三班1000米，利主席隻「馬力」兩戰兩勝，不過今場135磅兼1檔，做腳穩陣

三T提供(48注)		
第四場	第五場	第六場
4 笑喜喜	3 錶之銀河	5 超力量
8 小鳥天堂	4 禪勝輝煌	8 枕頭之星
5 迅意	1 永遠美麗	1 馬力
6 兄弟再盈	2 美麗同享	7 螢影飛馳
9 真僥倖	6 越駿歡欣	10 錶之極光
10 順善寶	12 陽光勇士	
(4注)	(4注)	(3注)

紅字為馬膽

响。「超力量」上場抖大半年復出照樣Easy Win，初上三班冇怕，搵佢做膽。仲有隻暗牌「枕頭之星」唔好睇少，呢件綠衣有支持霍利時，今次呢隻南非PP膠廖康銘度，肯定係撈細佬霍宏聲，一定要加埋佢。

康昌之星有聲勢



第三場四班1200米，睇嚟熱門會係「天下寵兒」同「海綠寶」，不過呢兩隻馬暫時都未贏過，如果隻W熱得太過分，真係唔係幾抵玩。大家想打下水片博半冷，廖康銘隻「康昌之星」有得諗，呢隻新西蘭PPG，父系「海軍旗幟」喺香港有唔少子嗣，其中一隻係同「康昌之星」同屬灰馬嘅「超勁火力」。「康昌之星」初期試閘未算太好，不過新馬操多啲越嚟越好，最近一課奧爾民代試，直路順勢走返嚟算輕鬆，霍宏聲唔放手，玩注WP先。



●「康昌之星」操足上陣，首戰有力一鳴驚人。

冷門WP

第三場 5 康昌之星

美麗系旺 主席錦標



周日第五場上演1600米G2主席錦標，這項錦標由1999年首辦，眨眼踏入第26年，首屆頭馬為希廸「魅力之城」。講到近年主席錦標旺門，首推著名馬主郭少明領軍之「美麗」系，「美麗大師」在2016及2018年兩度奪標，至於前馬王「美麗傳承」在2019及2020年連贏兩屆，上屆則由「美麗同享」勝出，今屆這匹馬以衛冕身份應戰，而「美麗」系另一匹「永遠美麗」亦同場參戰，且看今年「美麗」系能否再度揚威主席錦標。



●「美麗傳承」曾兩勝主席錦標。

晨操系列：拍跳



上回簡單介紹了快跳中的單跳，今日就和大家一起研究拍跳的奧妙。拍跳是砥礪馬匹狀態的手段之一，而拍跳其實有兩個主要目的：第一就是激發起馬匹鬥心，因為牠們在結伴奔跑時，會特別起勁，因為若然比同伴跑得更快，便有優越感，而通常這類拍跳時間會偏快。

第二個作用則是能安定年輕馬匹的情緒，練馬師有時候會安排年長馬帶領一隻膽小的年輕馬出試，有助穩定後駒走勢，這種情況下的拍跳時間不會太快。伍鵬志馬房的五班頭馬「神駒馬靈」便是其中一隻經常要年長馬伴跳的例子。



●伍鵬志的「神駒馬靈」（外）經常要伴跳馬陪伴出跳。

龍之光點都追多次



今期六寶獎加入380萬多寶，睇落有啲瞞頭，因為有三隻馬膽，「錶之銀河」、「嘉應高昇」同「不同世界」，可以慳好多注碼放嚟其他場次。第五場「錶之銀河」今季只係贏得一場，其餘時間經常畀「遨遊氣泡」食住發唔到圍，今次「遨遊氣泡」唔吼呢場，目標直指冠軍一哩賽，所以「錶之銀河」呢次用到潘頓，一定會好好把握機會，贏番場G2主席錦標，幫「錶」系攞威！

第九場「龍之光」上次已經介紹過，點知排13檔捉到包尾，拉士追到上嚟對手已經到終點，今次排1檔如果用主動跑法追得過，而「包裝猛將」班底高兼排2檔，「跨境寶馬」新升班未必夠佢哋鍊！

六環彩 (18注) 三寶 (9注)		
第五場	第六場	第七場
3 錶之銀河	5 超力量	1 嘉應高昇
	8 枕頭之星	
第八場	第九場	第十場
3 南區之星	1 包裝猛將	8 不同世界
7 龍文鞭影	5 跨境寶馬	
8 加州本事	10 龍之光	

頭場算準玩鐵三角



今期頭場就整場四班2000米長途畀大家玩，本來「妙算奇勝」真係最正，呢隻「一鍾定音」個仔，狀態可以嚟得咁快，擺明超班貨色，初出田草1400米熱一熱身，跟住兩場谷草1800米出擊，結果追到位置，照計今次轉嚟田草肯定更加啱佢跑，不過睇番霍宏聲喺香港跑過25次田草2000米，只係攞到3亞1季，買W要博破數據，但買Q有得諗。同場兩隻對手「勁大威猛」同「亞福得寶」都好有實力，「勁大威猛」集中跑1400米同1600米，母系好有長力根據，今次抖夠操到足試埋閘先跑，咪當佢冇到。「亞福得寶」希斯部署得非常好，季初一路熱身，直至舊年11月出招贏谷草2200米，跟住連輸三場回氣，今次換楊明綸肯定冷，又出埋「青春力量」可以更加容易掌控步速，有權埋Q。

第二場出七隻馬形勢單純，「舉步生風」同「天天同樂」卡士高晒，照計玩單Q幾穩陣。第六場「超力量」等潘頓復出，唔轉路程升班照贏。



●「妙算奇勝」試準增程，買Q要加入考慮。

混合過關3×4 (10注)

第一場Q	第二場Q	第六場W
4 勁大威猛	1 舉步生風	5 超力量
5 妙算奇勝	2 天天同樂	
7 亞福得寶		

永遠美麗好拍檔 錶之銀河難圓夢



周日田草跑A+3賽道，今期「檔位玄機」的重心分析，瞄準了全日焦點戰第五場的二級賽主席錦標。今場擂台臺自然是潘頓的「錶之銀河」，這位七屆香港冠軍騎師的復出賽日，當然想捧盃慶祝，不過其拍檔排在勝率只得6%的9檔，恐會成為隱憂。反而4檔「永遠美麗」，該檔近乎三成的勝出率，會否拿下勝仗惹人關注！

根據田草1600米的A+3賽道檔位統計數據，今季共合作賽22場，盲門檔位有3、6、11及14檔，而9檔合共出賽16場，累積只得1冠2亞1季，勝出率僅得6%明顯偏低，今場9檔「錶之銀河」，季初沙田錦標1600米曾挫「遨遊氣泡」奪標，雖然之後多次較量均被反壓，但能與此馬王級佳駒比拚已經足證實力，難怪會被視為今場奪標大熱，然而檔位的不利數據卻勢成此馬的爭勝致命傷。

反觀排4檔的「永遠美麗」，歷來在

港9度勝出，贏過不少錦標，縱然已經6歲年事非輕，今季表現確實稍見跌Watt，開季至今5戰未嘗上名，但上月尾出戰女皇銀禧紀錄盃之後，後上走入殿軍，仍見寶刀未老，態況逐漸冒升。

此馬過往一直由潘頓主理，但上次潘頓養傷，改由艾兆禮操刀，走勢同樣出色，後者今次繼續執韁，必會力爭佳績，以向潘頓示威爭口氣。更值得留意的是，此程4檔今季22戰錄得6冠3亞1季，勝出率高達27%，幾乎每三匹出賽便有一匹贏出，上名率更高達45%，如能跑出水準，確實有力粉碎潘頓與「錶之銀河」的捧盃夢。

另外，今日頭場跑四班2000米長途，此程有兩大檔位必要留意，分別是勝出率達29%的3檔，以及上名率50%的1檔，今場3檔的「旋風傳奇」今季已有兩W在手，突然增程非無的放矢，1檔的「青春力量」則是田谷皆宜實力馬，整條連贏及位置Q，隨時有驚喜。

田草1600米A+3賽道檔位統計								
檔位	出賽	冠	亞	季	殿	勝出率	入Q率	上名率
1	22	1	2	1	1	5%	14%	18%
2	22	4	2	3	2	18%	27%	41%
3	22	0	2	5	3	0%	9%	32%
4	22	6	3	1	1	27%	41%	45%
5	22	2	2	3	5	9%	18%	32%
6	22	0	3	1	1	0%	14%	18%
7	21	2	1	1	3	10%	14%	19%
8	19	1	1	1	0	5%	11%	16%
9	16	1	2	1	0	6%	19%	25%
10	14	2	0	1	2	14%	14%	21%
11	13	0	2	1	0	0%	15%	23%
12	12	1	0	0	2	8%	8%	8%
13	12	2	0	3	2	17%	17%	42%
14	10	0	2	0	0	0%	20%	20%

馬主容易做 名利雙收等住你



年度馬壇盛事打吡大賽上週日結束，「百賀飛駒」以冷門姿態奪標，馬主羅琪茵與丈夫莊友堅先生名利雙收，可喜可賀。究竟在香港馬圈，要做馬主是否容易？今日「玩轉馬場」就為大家簡單介紹，同時提提一眾合資格入紙申請的馬會會員，最新一期的馬匹進口許可證抽籤申請，會於下月14日下午5時結束，出手要快喇！

根據香港賽馬會的最新消息，在2026/2027年度馬季將會發出合共460張馬匹進口許可證，其中120張為自購曾出賽馬匹（PP），340張為自購新馬（PPG）。馬會在申請截止之後，會為兩類馬匹作獨立抽籤，而今年的抽籤儀式將在6月5日舉行。

獎金再加碼 成本也降低

究竟做馬主的喜悅何在？去年贏得了打吡冠軍的「大至尊」，其馬主陳金雄先生在馬會的宣傳片上表示：「能夠成為馬會會員，亦都養到馬，是一種榮譽；最難忘與最有成功感當然是買到『大至尊』，我一家大大細細，連同九個孫也可以一齊

去見證拉頭馬，是我跑馬以來最開心。」做馬主其中一樣關心，自然會是賽事獎金，根據資料，馬會今年的總獎金達到了破紀錄的17.3億港元，而為了支持馬主，馬會更在本年度馬季開始，每年投入達1.4億港元，以降低馬主的養馬成本，相信也可吸引更多有興趣人士加入馬主行列。

最後究竟養馬要幾多成本，確實也難有實際數字，但在馬會的資料上顯示，所有馬會會員申請人除現役馬主外，提交申請表時需要一併提交銀行證明書或其他相關文件。以今年為例，要求申請人最少有125萬港元資金，其餘詳細資料，可以上馬會官網了解。



●「百賀飛駒」馬主羅琪茵一家參與的拉頭馬相，人氣鼎盛，歡欣滿載。



●「百賀飛駒」（前）贏得打吡，為馬主贏取巨額獎金。